

Alòdlèndonu Nuplònwe Opli Gbèzan po Lizonyizon po Tòn

2-8 NOVEMBRE

NUHÒAKUE LÈ SÒN OHÓ JIWHEYEWHE TÒN MÈ | EKSÒDUSI 39-40

“Mose Hodo Anademẹ lẹ po Sọwhiwhe Po”

w11 15/9 27 huk. 13

Be Jehovah Yón We Ya?

¹³ To vogbingbọn mẹ, Mose yin “homẹmimìonno tlala hú mẹhe tin to nukunmẹ aigba lọ tòn ji lẹpo.” (Sọh. 12:3) Gbemima eton nado hodo anademẹ Jehovah tòn do lehe e yin homẹmimìonno po whiwhẹnọ do po hia. (Eks. 7:6; 40:16) Nudepope ma dohia dọ Mose nọ saba tindo ayihaawe gando alihohẹ mẹ Jehovah nọ yinuwa te go kavi gblehome do anademẹ Eton lẹ go. Di apajẹ, Jehovah na anademẹ gigọ gando gòhọtúntún lọ gbìgbá go kakajẹ okàn sinmẹ he Israelivi lẹ na sin do tónu avò he yé nado basi gòhọ lọ po sọha okàn he na nọ tónu avò dopodopo tòn po ji. (Eks. 26:1-6) To titobasinanu Jehovah tòn mẹ, eyin nugopontọ kavi mọho agun tòn de nọ na anademẹ gigọ kakajẹ onú flinfin lẹ ji, enẹ sọgan nọ hẹn apọsi mí to whedelenu. Sígba, Jehovah yin nugopontọ pipé de he nọ yí homẹhunhun do deazónna devizonwatọ eton lẹ bosọ nọ dejido yé go. Eyin Jehovah na anademẹ gigọ gando nude go, e tindo whẹwhinwhẹn he wutu e do wàmọ. Sígba, e jẹna ayidego dọ Mose ma gblehome do Jehovah go kavi lẹndọ ewọ to nukunpẹvi yí do pọn emi kavi to mẹdekan-nujẹ emiton hòyí na anademẹ gigọ he e na gando gòhọtúntún lọ gbìgbá go lẹ wutu gba. Kakatimọ, Mose hẹn ẹn diun dọ azónwatọ lọ lẹ ‘basi domọ pẹpẹ’ sọgbe hẹ anademẹ Jiwheyewhe tòn lẹ. (Eks. 39:32) Nuyiwa whiwhe tòn nankọ die! Mose yon-ẹn dọ azón Jehovah tòn wẹ, podọ Ewọ to emi yizan nado wà azón eton dotana poun wẹ.

w05 15/7 27 huk. 3

Be Hiẹ Nọ Yin Nugbonọ to Onú Lẹpo mẹ Ya?

³ “Mose yin nugbonọ . . . di devi de,” wẹ Heblu lẹ 3:5 dọ. Etẹwẹ hẹn yẹwhegán Mose nado yin

nugbonọ? To awuwiwlena gòhọtúntún lọ po dido e ai po mẹ, “Mose wà . . . kẹdẹdi ehe OKLUNỌ lọ degbena ẹn lẹpo, mọwẹ e wà do.” (Eksodusi 40:16) Taidi sinsẹn-basitọ Jehovah tòn lẹ, mí nọ do nugbonọ-yinyin hia gbọn devizonwiwa hlan ẹn po tonusise po dali. E họnwun dọ, ehe bẹ tenogligo-hinhen hlan Jehovah to whlepon sinsinyen, kavi avùnnukundiosomẹ vẹadi lẹ nukon hẹn. Etomoso, e ma yin duduto whlepon daho lẹ ji kẹdẹ wẹ nọ do nugbonọ-yinyin míton hia gba. “Ewọ he yin nugbonọ to onú pẹvi tlala de mẹ, e yin nugbonọ to onú susu mẹ ga: podọ ewọ he yin mawadodonọ to onú pẹvi tlala de mẹ, sọ yin mawadodonọ to onú susu mẹ ga,” wẹ Jesu dọ. (Luku 16:10) Mí dona gbọsi nugbonọ-yinyin mẹ etlẹ yin to whẹho he taidi numadinu lẹ mẹ.

Onú Sisosiso Gbìgbomẹ Tòn Lẹ

w96 1/1 6 huk. 9

‘Mọwẹ Yé Basi Do’

⁹ To whenuena Jehovah degbena Israelivi lẹ nado basi nunina bo gbá gòhọtúntún de to zungbo mẹ, omẹ lọ lẹ yí homẹ dagbe do basi godononamẹ gigọ yeton. Enẹgodo, na zẹmẹ he tlẹ whẹ hugan lẹ, Mose po azónwatogbé ojlonọ eton lẹ po hodo tito yẹdide hogbigbá tòn lẹ heyin awuwlẹna gbọn Jehovah dali. “Le wẹ yè vọ azón gòhọtúntún ogohọ opli tòn lọ tòn do; Ovi Israeli tòn lẹ basi kẹdẹdi ehe Oklunọ lọ degbena Mose lẹpo, mọwẹ yé wà do.” Mọdopolọ, to hùnwhe didoai yẹwhenoduta tòn whenu, “le wẹ Mose wà do: kẹdẹdi ehe Oklunọ lọ degbena ẹn lẹpo, mọwẹ e wà do.” (Eksodusi 39:32; 40:16) To ojẹ egbezangbe tòn lẹ mẹ, mí tindo dotenmẹ hundote lọ nado ná godononamẹ sọn ahunmẹ wá hlan azón yẹwehodidọ lọ tòn podọ hlan tito-to-whinnu lẹ na hẹngblo Aholuduta lọ tòn. Gbọnmo dali lẹblanulọkeyi míton wẹ e yin nado kọnawudopo to ‘bibasi domọ’ mẹ.

w15 15/7 21 huk. 1

Be Dandan Wẹ Dọ Mẹde Ni Nọ Doayi Azọn He Wà A Te Go Ya?

To whenue gòhọtúntún lọ yin gbìgbá fọ, asọ “şin-yón gòhọ opli tọn lọ jì, gigo OKLUNỌ lọ tọn sọ gò gòhọtúntún lọ mẹ.” (Eks. 40:34) Lehe ohia enẹ yin kunnudenu he họnwun dọ Jehovah kẹlọyi gòhọtúntún lọ do sọ! Numọtolanmẹ tẹwẹ a lẹdọ Bezaleli po Oholiabi po na ko tindo to ojẹ enẹ mẹ? Dile etlẹ yindọ yinkọ yetọn ma yin kinkando azọn he yé wà lẹ go, yé na ko gọ na ayajẹ, na yé yon-ẹn dọ Jiwheyewhe dona vivẹnudidọ yetọn lẹpo. (Howh. 10:22) To owhe he bọdẹgo lẹ mẹ, homẹ yetọn na ko hùn taun nado mọdọ azọn he yé wà lẹ gbẹ to yinyin yiyizan na sinsẹn-bibasi Jehovah tọn. Matin ayihaawe, to whenue Bezaleli po Oholiabi po na gowá ogbẹ to aihọn yoyo lọ mẹ, lehe e na yin homẹhunnu daho na yé do sọ nado sẹ dọ gòhọtúntún lọ yin yiyizan na sinsẹn-bibasi Jehovah tọn na nudi owhe 500!

AWUWIWLENA LIZONYIZON KUNNUDEGBE TON

w16.04 29 huk. 8-10

Hẹn Kadaninọ Towe Go to Aihọn He Klan Ehe Mẹ

⁸ Onú awetọ he mí na wà nado gbọşi kada wẹ nado yin “zinzintọ taidi odàn sọgan bo yin homẹvọnọ taidi apoe” to whenue mí to pipehẹ avunnukundiọsọmẹnu lẹ. **(Hia Matiu 10:16, 17.)** Mí nọ do zinzin hia gbọn owù lẹ mimọ hlan nukon dali, podọ mí nọ yin homẹvọnọ to whenue mí ma na dotẹnmẹ owù lọ lẹ nado hẹn mí jogbe. Mí gbọ mí ni dọhodo avunnukundiọsọmẹnu dele po lehe mí sọgan pehẹ yé do po jì.

⁹ *Hododopọ lẹ.* Mí dona yí zinzin zan to whenue gbẹtọ lẹ fọn whẹho tonudidọ tọn lẹ dote. Di apajlẹ, to whenue a to owẹn Aholuduta lọ tọn zedonukonna gbẹtọ lẹ, ma nọ na pipà kavi mọhododo linlẹn tonudogbẹ kavi togán de tọn go blo. Tẹpon nado ze hodidọ towe sinai do nuhe jì hiẹ po whétọ towe po kọngbedopọ do gbọn ayidonugo nina nuhahun lọ dali kakati nado dọhodo pọngbọ depope he gandudu gbẹtovi tọn na hẹnwa jì. Enẹgodo, do-

hia ẹ sọn Biblu mẹ lehe gandudu Jiwheyewhe tọn na hẹn pọngbọ wá na nuhahun lọ mlenmlen podọ kakadoi do. Eyin gbẹtọ lẹ jìlọ na dọnnu gando whẹho de go taidi alọwle to mẹhe tindo vijinu dopolọ lẹ şensẹn kavi hòdide, yivùnłona nujinọtedo Jiwheyewhe tọn lẹ bo basi zẹmẹ lehe mí nọ hodo nujinọtedo enẹlẹ to gbẹzan mítọn mẹ do tọn. To hododopọ lẹ whenu, ma dọhodo adà dagbe kavi ylankan he tonudotọ lẹ nọ yiwà to whẹho ehele mẹ jì blo. To whenue gbẹtọ lẹ to hodọ gando osẹn he dona yin didoai, yin hùzẹdeji, kavi yin didiọ lẹ go, mí ma nọ nọgodona linlẹn depope, podọ mí ma nọ gbidikọna mẹdevo lẹ nado kẹlọyi pọndohlan mítọn.

¹⁰ *Linlinnamẹnu lẹ.* Linlin-namẹto lẹ nọ saba ze nudọnamẹ lẹ donukonnamẹ po nuveun po bosọ nọ nọgodona pọndohlan yetọn titi lẹ. Podọ to whedelẹnu, tonudotọ lẹ nọ yí linlinnamẹnu lẹ zan. To otò he mẹ gandudu nọ paşẹ do azọnwhé linlinnamẹnu lẹ tọn jì te lẹ mẹ, linlin lẹ sọgan yin kọsłona gànna-gànna, podọ Klistiani he tẹ tin to otò he to yedekannu lẹ mẹ lẹ dona tin to aşẹji ma nado kẹlọyi pọndohlan linlin-namẹto de tọn. Kanse dewe dọ, ‘Be n’yiwanna nado nọ dotoaina linlin-namẹto de na n’kọngbedopọ hẹ nuhe e nọ dọ gando tonudidọ go wutu ya?’ Eyin mọ wẹ, a sọgan dín asisa nudọnamẹ tọn devo lẹ he nọ tẹdo nudọnamẹ nugbo go. To popolẹpo mẹ, nuyọnen-nu wẹ e yin nado nọ dapana asisa linlinnamẹ tọn he nọ nọgodona whẹho tonudidọ tọn lẹpo podọ nado nọ yí nuhe a sẹ lẹ jlẹdo “ohia ohó he sọgbe lẹ tọn” he tin to Biblu mẹ go.—2 Tim. 1:13.

9-15 NOVEMBRE

NUHQAKUE LẸ SỌN OHÓ JIWHEYEWHE TỌN MẸ | LEVITIKU 1-3

“Nuhewutu Israelivi Lẹ Nọ Bayi Avónunina Lẹ”

it-2-F 847 huk. 1

Avónunina Lẹ

Avónunina mimẹ lẹ. Avónunina mimẹ lọ blebu wẹ nọ yin zizedonukonna Jiwheyewhe; mẹhe to

avõnunina lõ basi ma nõ yí adà kanlin lõ tòn de-
pope. (Yijlèdo Whẹ 11:30, 31, 39, 40 go.) Ehe nõ
yin aliho de nado vẹvẹna Jehovah dọ ni kẹalọyi
avõnunina ylando tòn he nõ zọnpọ to whedelẹnu
hẹ avõnunina mimẹ lõ. Taidi “avõnunina mimẹ”
de, Jesu Klisti ze ede jo petepete.

it-2-F 849 huk. 8

Avõnunina Lẹ

Avõnunina jinukun-lili tòn lẹ. Avõnunina jinukun-lili tòn nõ zọnpọ hẹ avõnunina jijọho tòn, avõnunina mimẹ po avõnunina ylando tòn po, podọ e sọ nõ yin sinsẹn tintan. To whedelẹnu, avõnunina jinukun-lili tòn kẹdẹ wẹ nõ yin bibasi. (Eks 29:40-42; Le 23:10-13, 15-18; Sọh 15:8, 9, 22-24; 28:9, 10, 20, 26-28; weta 29) Israelivi lẹ nõ basi avõnunina ehe nado dopẹna Jiwheyẹwhe, na dona po adọkun he e kọn do yé ji lẹ po wutu. To paa mẹ, mẹhe basi avõnunina ehe nõ hẹn amì po nuyọnwani gblingblin po wá ga. Nudelẹ die he yẹ gán yí do basi avõnunina jinukun-lili tòn: linfin dagbedagbe, jinukun sisọ, akla loboto kavi akla wódọwódọ he yẹ hì, kavi he yẹ bayi to agbánvla mẹ kavi to nudàzẹn mẹ. Yẹ nõ ze adà avõnunina jinukun-lili tòn de do agbà avõnunina mimẹ tòn lõ ji, podọ yẹwhenọ lẹ nõ dù adà de, bọ eyin avõnunina jijọho tòn wẹ yin bibasi, mẹhe hẹn avõnunina lõ wá nõ dù sọn e mẹ ga. (Le 6:14-23; 7:11-13; Sọh 18:8-11) Depope to avõnunina jinukun-lili tòn he nõ yin zizedo agbà lõ ji lẹ mẹ ma nõ tindo otọn kavi “owín” (vlavo ehe to alọdlẹdo osin ovò-sinsẹn tòn kavi osin atin-sinsẹn tòn) he sọgan zọn bọ e na whán.—Le 2:1-16.

w12 15/1 19 huk. 11

¹¹Avọsinsan he yin nùdego to Osẹn Mose tòn mẹ dele nõ yin yiylọdọ avõnunina jijọho tòn. Lẹndai etọn wẹ nado tin to jijọho mẹ hẹ Jehovah. Mẹhe basi avõnunina mọnkọtọn po whẹndo etọn po nõ dù olàn kanlin he yẹ yí do sanvọ lõ tòn, vlavo to abò he mẹ yẹ nõ dùnú te to ẹmpli lõ mẹ lẹ de mẹ. Yẹwhenọ he to sinsẹnzọnwala lõ nõ yí adà olàn lõ tòn de, podọ yẹwhenọ devo

he to sinsẹn to ẹmpli lõ mẹ lẹ nõ yí adà yẹtọn ga. (Lev. 3:1; 7:31-33) Nado duvivi haşınşan dagbe de tòn hẹ Jiwheyẹwhe wẹ nõ zọn bọ sinsẹn-basitọ lõ do nõ basi avọsinsan etọn sọn olo mẹ wá. Mọwiwà nõ taidi dọ sinsẹn-basitọ lõ, whẹndo etọn, yẹwhenọ lẹ po Jehovah lọsu po yí ayajẹ do to nùdùdù de dù dopọ to jijọho mẹ.

Onú Sisosiso Gbigbọmẹ Tọn Lẹ

w04 15/5 22 huk. 1

Nuagokun lẹ sọn Owe Levitiku Tọn Mẹ

2:13—Naegbọn bọ ‘avõnunina lẹpo’ dona yin bibasi po oje po? Ehe ma nõ yin bibasi nado de otọn nunina lẹ tòn tòn gba. Oje nõ yin yiyizan lẹdo aihọn pé nado gọnalina gbigble onú lẹ tòn. E sọgan ko yin na e nõ do nuhe ma sọgan gble kavi yọn hia wutu wẹ e nõ yin yiyidogọ na avõnunina lẹ.

w04 15/5 22 huk. 2

Nuagokun lẹ sọn Owe Levitiku Tọn Mẹ

3:17. To whenuena e yindọ ojọ nõ yin pinpọnhlan taidi adà he yọn kavi he yin nujọnu hugan lõ, e họnwun dọ gbigbẹna Israelivi lẹ nado dù i na dó do ahun mẹ na yé dọ Jehovah tòn wẹ adà he yọn hugan yin. (Gẹnẹsisi 45:18) Ehe flin mí dọ mí dona nõ yí nuhe yọn hugan lẹ na Jehovah. —Howhinwhẹn lẹ 3:9, 10; Kọlọsinu lẹ 3:23, 24.

GBẸZAN KLISTIANI TỌN

w08 1/4 28 huk. 1-3

Be Hiẹ Yọnẹn Ya?

To owhe kanweko tintan W.M., takuẹ he Ju lẹ nõ sú to whemẹwhemẹ na ẹmpli wẹ “odaa şekẹli tòn,” kavi dlakma awe, nudi azọnkue azán awe tòn. (Matiu 17:24) To vogbingbọn mẹ, Jesu dọ dọ oblenọ awe wẹ yẹ nõ sà yin “abọgankue pẹvi de,” he sọzẹn hẹ azọnkue nukunwhiwhe 45 tòn. Na nugbo tòn, abọgankue ehe awe kavi nudi azọnkue nukunwhiwhe 90 tòn wẹ sọgan hò oblenọ atọn.—Matiu 10:29; Luku 12:6.

Nunina ẹmpli mẹ tòn asuşıọsi wamọnọ lõ tòn he Jesu mọ whẹ tlala hú abọgankue he hò

oblẹnọ atón. Abọgankuẹ kavi *lepta* awe ehele wẹ yin gànkuẹ gànveẹ tọn he whè hugan he yè nọ zan to Israeli to ojẹ enẹ mẹ. Abọgankuẹ awe lọ lẹ sọzen hẹ 1/64 (dopo to kandeko-nukun-ene ji) azónkuẹ gbèdopo tọn, kavi eyin mí na basi madozenzen azónwiwa gbèdopo tọn he yin ganhiho 12, e ma pé nukunwhiwhe 12 to gbèdopo.

Jesu Klisti yọn pinpen nunina asusiọsi lọ tọn tla-la hugan mẹhe to nina “sọn susu gbòpò yeton mẹ” lẹpo. Etẹwutu? Kandai lọ dọ dọ e tindo “abọgankuẹ flinflin awe,” enẹwutu e sogan ko yí dopo do na nunina bo yí awetọ sẹdo. Sogan, e yí “nuhe e tindo lẹpo dlan e mẹ, yèdọ gbẹmẹnu eton lẹpo.”—Malku 12:41-44; Luku 21:2-4.

16-22 NOVEMBRE

NUHỌAKUẸ LẸ SỌN OHÓ JIWHEYẸWHE TỌN MẸ | LEVITIKU 4-5

“Nọ Na Nudagbe Hugan Towe Jehovah”

nwt 1880 huk. 2

Avónunina whẹhuhu tọn. Avósinsan de he nọ yin bibasi na ylando mẹteti tọn lẹ. E gbọnvo yẹẹ de na avósinsan ylando tọn he pò lẹ to enẹ mẹ dọ lẹndai eton wẹ nado gọalọna ylanwatọ he lẹnvojo lọ nado hẹn jlọjẹ alẹnu tọn he e ko hẹnbu na ylando wutu delẹ gowá kavi gò yé mọyi bo vò sọn obá he dona ko hò e si.—Le 7:37; 19:22; Isa 53:10.

w09 1/7 11 huk. 3

Ewọ Yọn Dogbó Mító

Nado do mẹtónhopon owanyinọ Jehovah tọn hia, Osẹn lọ dọmọ: “Eyin huhlọn eton whè na lẹngbọvu dopo, whenenu ewọ na hẹn avónunina whẹgbledo tọn eton wá na enẹ ehe mẹ e ko waylando te, owhlé awe, kavi awhànnevú awe, jẹ OKLUNỌ lọ dè.” (Wefọ 7) Eyin Israelivi de yin wamọnọ sọmọ bo ma sogan na lẹngbọvu de, homẹ Jiwheyẹwhe tọn nọ hùn nado kẹalọyi nuhe go huhlọn eton pé—enẹ wẹ owhlé awe kavi awhànnevú awe.

w09 1/7 11 huk. 4

Ewọ Yọn Dogbó Mító

Eyin huhlọn mọlo tọn ma tẹ pé ohẹ awe lọsu go lo? “Whẹnenu ewọ na hẹn avónunina eton wá na enẹ ehe mẹ ewọ ko waylando te, madaotọ efa [nudi kilo dopo] linfin dagbedagbe tọn dopo na avónunina ylando de tọn,” wẹ Osẹn lọ dọ. (Wefọ 11) Na mẹhe jẹhẹn klókló, Jehovah hẹn ẹn yonbasi nado na avónunina ylando tọn he ma biọ dọ ohùn kanlin tọn ni yin sinsọndai. To Israel, ohẹn ma nọ glonalina mède nado mọ jona ylando tọn yí kavi nado gbowhẹ hẹ Jiwheyẹwhe.

Onú Sisosiso Gbigbomẹ Ton Lẹ

w16.02 30 huk. 14

Plọnnu sọn Devizọnwatọ Nugbonọ Jehovah Tọn lẹ Dè

¹⁴ Homẹdagbe sogan gọalọna we to whenue nugbonọ-yinyin na męsusu dopo kàn dẹpẹ biọ. Di apajlẹ, e sogan họnwun na we dọ yisenọ hatọ de huhwẹ nušiwa sinsinyen tọn. A sogan mọdọ emi dona yin nugbonọ na ẹn, titengbe eyin honton vivẹ kavi hẹnnumẹ de wẹ. Amọ, eyin a şinyonnudo nušiwa lọ, a ma na yin nugbonọ na Jiwheyẹwhe. Na nugbo tọn, Jehovah wẹ hiẹ dona yin nugbonọ na jẹnukon. Enẹwutu taidi Natani, yin homẹdagbenọ, sogan bo yin nujikudonọ. Dotuhomẹna honton kavi hẹnnumẹ towe nado yí dín alọgọ mọho lẹ tọn. Eyin ewọ ma wàmọ to ojẹ he to jlẹkaji de gblamẹ, nugbonọ-yinyin na Jiwheyẹwhe dona whàn we nado dọ whẹho lọ na mọho lẹ. Gbọnmo dali, a to nugbonọ yin na Jehovah bo ka sọ jomẹ hẹ honton kavi hẹnnumẹ towe, na mọho agun tọn lẹ na tẹnpon nado gọ omẹ monkoton do oten eton mẹ po walomimion po.—**Hia Levitiku 5:1; Galatianu lẹ 6:1.**

it-2-F 861 huk. 8

Wiwe-Yinyin

Kanlin po Jinukun lẹ Po. Oyinsú, lẹngbọvu asu kavi gbogbọ asu he yin plonji lẹ nọ yin pinponhlan di onú wiwe de hlan Jehovah bo ma nọ

yin fifligo. Yé nọ yin yiyido sánvọ, podọ adà de nọ tin na yewhenọ he yin kinklandowiwe lẹ. (Sọh 18:17-19) Onú wiwe wẹ sinsẹn tintan lẹ po mado-ao po nọ yin, kẹdẹdi avósinsan po nuni-na he yin kinklandovo na sinsẹnzon fiwiwe lẹ tọn lẹpo. (Eks 28:38) Nuhe yin onú wiwe hlan Jehovah lẹpo wẹ nọ yin kinklandovo na lẹndai enẹ, enẹwutu mēde ma dona yí nukunpẹvi do pọn onú enẹlẹ, kavi yí yé zan taidi onú tata kavi to aliho he do mēmasi hia mē. Apajlẹ etọn dopo wẹ osẹn he gando mado-ao go. Eyin sunnu de ko ze nude dovo nado yin yiyizan taidi mado-ao, vlavo sinsẹn likun etọn tọn, bọ to mayọnen mē, ewọ kavi mēde sọn whédo etọn mē sọ wá de sọn nulọ mē bo yizan na hudo whégbè tọn de, vlavo núdida nkọ, be sunnu lẹ gbàsẹn Jiwheyewhe tọn he biọ dọ sisi ni nọ yin nina onú wiwe lẹ. Sọgbẹ hẹ Osẹn lẹ, e dona hẹn nunina dopo lẹ wá fiwiwe lẹ gona 20 to kanweko ji nunina lẹ tọn, bosọ yí agbò de he to gángán sọn lẹngbọpa lẹ mē do basi avósinsan. Taidi kọdetọn de, sisi daho wẹ nọ yin nina onú wiwe he yin Jehovah tọn lẹ.—Le 5:14-16.

23-29 NOVEMBRE

NUHỌAKUẸ LẸ SỌN OHÓ JIWHEYEWHE TỌN MẸ | LEVITIKU 6-7

“Nọ Dopẹ”

w19.11 22 huk. 9

Nuplọnmẹ Delẹ sọn Owe Levitiku Tọn Mẹ

⁹ *Nuplọnmẹ awetọ: Mí nọ sẹn Jehovah nado do pinpẹn-nutọn-yinyọnen hia ewọ.* Nado zinnudo ehe ji, mì gbọ mí ni dọhodo avónunina jijọho tọn lẹ ji, ehe yin adà titengbe sinsẹn-bibasi nugbo tọn devo to Israeli hohowhenú tọn. To owe Levitiku tọn mē, mí plọn dọ Israelivi de sọgan basi avósinsan jijọho tọn de “taidi dohia pẹdido tọn.” (Lev. 7:11-13, 16-18) Ewọ nọ basi avónunina ehe, e ma yin na e to dandannu gọ nado wàmọ wutu gba, amọ na ewọ jlo wutu. Enẹwutu, avónunina sọn ojlo mē de wẹ, ehe mēde nọ basi na ewọ yi-wanna Jiwheyewhe etọn, Jehovah wutu. Mēhe to

avónunina lẹ basi gona whendo etọn po yewhenọ lẹ po nọ dù olàn kanlin he yin yíyí do sanvọ lẹ tọn. Şigba, adà avósinsan kanlin tọn lẹ tọn dele nọ yin nina Jehovah kẹdẹ. Adà tẹlẹ wẹ?

w00 15/8 15 huk. 15

Avósinsan He Hẹn Homẹ Jiwheyewhe Tọn Hùn Lẹ

¹⁵ Avónunina sọn ojlo mē wá devo wẹ avósinsan kọndopọ tọn, heyin zẹmẹ basina to Levitiku weta 3 mē. Yinkọ lẹ sọgan sọ yin lilẹdogbedevome do “avósinsan avónunina jijọho tọn lẹ” ga. To Heblu-gbè mē, hogbe lẹ “jijọho” nọ zẹmẹdo nususu hugan nado vò sọn awhàn kavi tuklado-mẹ lẹ si poun. “To Biblu mē, e nọ zẹmẹdo ehe, podọ ga do ninomẹ kavi kanşısa jijọho tọn hẹ Jiwheyewhe, kọdetọn dagbe tintindo, aya-jẹ, po homẹhunhun po,” wẹ owe lẹ *Studies in the Mosaic Institutions* dọ. Gbọnmọ dali, avósinsan kọndopọ tọn lẹ nọ yin bibasi, e mayin nado mọ jijọho Jiwheyewhe tọn yí, taidi nado mionhomẹna ẹn nkọtọn gba, şigba nado do pinpẹn-nutọn-yinyọnen hia, kavi nado basi húnwhẹ, yèdọ ninomẹ dona jijọho tọn he mēhe yin alọkeyi gbọn Jiwheyewhe dali lẹ to vivi etọn dù hẹ ẹ tọn. Yewhenọ lẹ po mēhe na avónunina lẹ po nọ dù to avósinsan lẹ mē to whenuena ohùn po ojó lẹ po ko yin nina Jehovah godo. (Levitiku 3:17; 7:16-21; 19:5-8) To aliho whanpẹnọ po yehiaddonu tọn de po mē, mēhe na avónunina lẹ, yewhenọ lẹ, po Jehovah Jiwheyewhe po to mahe tindo to núdùdù de mē, to yehiaddonu liho, he nọtena haşınşan jijọho tọn he tin to şensẹn yetọn.

w00 15/8 19 huk. 8

Avósinsan Pipà Tọn lẹ He Nọ Hẹn Homẹhun Jehovah

⁸ Etẹwẹ dogbọn mēhe to avónunina lẹ basi dali? Osẹn lẹ dọ dọ mēdepope he ja Jehovah nukon dona wé bo ma na dowángo. Mēdepope he ko yin hinhenflu na whewhinwhẹn depope wutu dona na avónunina ylando tọn kavi whẹhuhu tọn jẹnukon whẹ nado hẹn teninọ wiwé

etọn to Jehovah nukọn gòdotẹnme na avónuni-
na mimẹ tọn kavi kòndopọ tọn etọn nido sogan
yin alọkẹyi gbọn Ewọ dali. (Levitiku 5:1-6, 15,
17) Enẹwutu, be mí mọnkunnujẹ nujonu-yinyin
teninq wiwé de go hinhẹn to Jehovah nukọn to
whepoponu mẹ ya? Eyin mí jlo dọ Jiwheyewhe ni
kẹlọyi sinsẹn-bibasi mítọn, mí dona nọ yawu
nado basi vọjlado na osẹn Jiwheyewhe tọn lẹ
depope gbìgbà. Mí dona nọ yawu nado nọ basi
yizan alogonamẹnu he Jiwheyewhe wleawudaina
lẹ tọn—yèdọ ‘mẹho he tin to agun mẹ lẹ’ po
‘avòsinsan oyẹsù tọn na ylando mítọn lẹ’ po, he-
yin Jesu Klisti.—Jakobu 5:14; 1 Johanu 2:1, 2.

Onú Sisosiso Gbìgbomẹ Tọn Lẹ

it-1-F 889 huk. 2

Miyọn

To gòhọtúntún po tẹmpli po mẹ. Sinsẹn-biba-
si Jiwheyewhe tọn to gòhọtúntún mẹ nọ biọ dọ
miyọn ni yin zinzan, podọ e sọ wá yinmọ to tẹm-
pli mẹ ga. To afonnu lẹ podọ to whẹjai awe lẹ
sẹnşen, yewhenọ daho nọ mẹ nuyonwan to agbà
nuyonwan tọn lọ ji. (Eks 30:7, 8) Osẹn Jiwheyewhe
tọn biọ dọ miyọn ni nọ to jijì to agbà lọ ji
mapote. (Le 6:12, 13) Ju lẹ nọ lẹndọ miyọn
he nọ to jijì to agbà lọ ji wá sọn Jiwheyewhe
dè, amọ dile etlẹ yindọ męsusu wẹ yí enẹ sè,
Owe-wiwe lẹ ma nọgodona linlẹn enẹ. Anademe
tintan he Jehovah na Mose wẹ yindọ, visunnu
Aalọn tọn lẹ wẹ dona “fłọ miyọn do agbà lọ ji
bo to nake lẹ do miyọn lọ mẹ” whẹpo do ze avò-
sinsan lọ do agbà lọ ji. (Le 1:7, 8) To whenue
yewhenọduta Aalọn tọn ko yin didoai bọ avò-
sinsan așe-niname tọn ko yin bibayi godo wẹ
miyọn wá sọn Jehovah dè, vlavo sọn aslọ he to
aga gòhọtúntún lọ tọn mẹ, bo fiọ avónunina he
to agbà lọ ji. Ehe dohia dọ e ma yin nake he to
agbà lọ ji wẹ miyọn he Jiwheyewhe dohlẹn lọ fiọ
gba, şigba “avónunina mimẹ lọ po ojó he to
agbà lọ ji lẹ po.” Podọ miyọn to jijì mapote
to agbà lọ ji, vlavo na miyọn he Jiwheyewhe do-
hlẹn lọ to jijì dopọ hẹ miyọn he yè ko fłọ dote
to agbà lọ ji dai. (Le 8:14–9:24) Mọdopolọ to
klandowiwe tẹmpli lọ tọn whenu, tlolo he Sọlo-

mọni hodẹ pò wẹ miyọn wá sọn Jehovah dè bo
fiọ avòsinsan he yé basi lọ lẹ.—2Ot 7:1; sọ pọn
Whẹ 6:21; 1Ah 18:21-39; 1Ot 21:26, fie Jehovah
yí miyọn zan to azọnjiawu-liho te lẹ nado dohia
dọ emi kẹlọyi avónunina devizonwatọ emitọn lẹ
tọn.

si-F 27 huk. 15

Owe Biblu Tọn Sọha 3—Levitiku

¹⁵ (3) Avónunina ylando tọn nọ yin bibasi na
ylando he yè wà to mayonẹn mẹ kavi gbọn nu-
şıwa dali. Kanlin he nọ yin nina nọ gbọnvo sinai
do ylando mẹhe tọn yè jlo na basi ovẹsè na lọ
ji, vlavo yewhenọ lọ, akọta lọ blebu, ahọvi de
kavi omẹ paa de. Ojlo mẹ wẹ yè nọ desọn bo nọ
basi avónunina mimẹ po avónunina jijọho tọn
po, amọ avónunina ylando tọn uwọ yin dandan-
nu.—4:1-35; 6:24-30.

30 NOVEMBRE–6 DÉCEMBRE

NUHỌAKUẸ LẸ SỌN OHÓ JIWHEYEWHE TỌN MẸ | LEVITIKU 8-9

“Dona Jehovah Tọn”

it-1-F 1189 huk. 2

Așe-Niname

Mose degbena Aalọn gona visunnu Aalọn tọn
lẹ, yèdọ Nadabi, Abihu, Eleazali po Itamali po
nado lawu to basia gànveẹ tọn he to awánu
lọ kọn, enẹgodo e do awù vonọtaun yewhe-
nọ daho tọn lẹ na Aalọn. (Sọh 3:2, 3) Nusişọ
whanpenọ Aalọn tọn dohia dọ otẹn he mẹ e yin
zizedo tindo yeyi taun bo bẹ azongban susu
hẹn. Enẹgodo, Mose kọn ami do gòhọtúntún lọ
po núzinzan voovo etọn lẹpo po ji bo hẹn yé zun
wiwe, podọ nudopolọ wẹ e bayi na agbà avò-
nunina mimẹ tọn lọ gona basia lọ po nuyizan
etọn lẹ po. Ehe dohia dọ yé ko yin hinhẹn zun
wiwe bosọ yin didedovo na sinsẹnzon Jiwheyewhe
tọn kẹdẹ. Bọdo enẹ go, Mose kọn ami do
ota na Aalọn bo yiamisisadode e.—Le 8:6-12;
Eks 30:22-33; Slm 133:2.

it-1-F 1190 huk. 3

Aşẹ-Niname

Na yewhenɔduta lɔ ko yin didoai bo mɔ aşẹ yí to gigò mɛ wutu, to azán şinatòntò gbè, yewhenɔ lɔ lɛ basi avòsinsan whla tintan (bɔ e ma biò dɔ Mose ni goalɔna yé). Yé basi ovèsè na akɔta Israeli tɔn bo hɛn yé zun wiwe, e ma yin na yé yin ylandonɔ kɛdɛ wutu gba, şigba na yé şeşẹ vɛtoli bo basi oyinvu sika tɔn, he zɔn bɔ Jehovah gblehomɛ do yé sinsinyɛn. (Le 9:1-7; Eks 32:1-10) To whenue yewhenɔ yoyò ehelɛ ko basi avòsinsan yetɔn tintan godɔ, Jehovah do miyɔn de hlan nado dohia dɔ emi kɛalɔyi yewhenɔduta yetɔn. Podɔ, matin ayihaawe, dòtin aslɔ tɔn he to aga na gòhòtúntún lɔ mɛ wɛ miyɔn lɔ wá sɔn bo fiò avòsinsan he pò to agbà lɔ ji.—Le 9: 23, 24.

w19.11 23 huk. 13

Nuplɔnmɛ Delɛ sɔn Owe Levitiku Tɔn Mɛ

¹³ ***Nuplɔnmɛ ɛnɛtɔ: Jehovah to didona adà aigba ji tɔn titobasinanu etɔn tɔn.*** Lɛnnupɔndo nuhe jɔ to 1512 J.W.M. ji, to whenue gòhòtúntún lɔ yin pinpɛn to Osó Sinai kɔn. (Eks. 40:17) Mose deanana hùnwɛ de he whenu Aalɔn po visunnu etɔn lɛ po yin dide taidi yewhenɔ lɛ te. Akɔta Israeli tɔn pli dopɔ nado pɔn lehe yewhenɔ lɛ to avòsinsan kanlin tɔn yetɔn tintan lɛ basi do. (Lev. 9:1-5) Nawɛ Jehovah dohia dɔ emi kɛalɔyi yewhenɔduta he şeşẹ yin didoai lɔ gbɔn? Dile Aalɔn po Mose po to didona akɔta lɔ, Jehovah do miyɔn de hlan sɔn olɔn mɛ nado fiò avòsinsan he pò to agbà lɔ ji.—**Hia Levitiku 9:23, 24.**

Onú Sisosiso Gbigbomɛ Tɔn Lɛ

w14 15/11 9 huk. 6

Nuhewutu Mí Dona Yin Wiwe

⁶ Nubiɔtomɛşì lɔ dɔ yewhenɔ Israeli tɔn lɛ ni yin wiwe to agbasa-liho tindo zɛmɛ nujɔnu tɔn na omɛ Jehovah tɔn lɛ to egbehe. Mɛhe mí nɔ plɔn Biblu hɛ lɛ nɔ saba doayi e go dɔ notɛn sinsɛn-

bibasi tɔn mítɔn lɛ nɔ tin to wiweji, podɔ mí nɔ lawu ganji bɔ nusisò mítɔn nɔ wleyeyi. Mɔdopolɔ, wiwejininɔ yewhenɔ lɛ tɔn goalɔna mí nado monukunnujɛmɛ dɔ mɛdepope he hɛ osó yia-ga sinsɛn-bibasi tɔn Jehovah tɔn ji dona tindo “ayiha wiwe.” (**Hia Psalm 24:3, 4; Isa. 2:2, 3.**) Nado basi sinsɛnzɔn wiwe hlan Jiwheyewhe, mí dona hɛn ayiha, ahun, po agbasa mítɔn po do wiweji. Ehe biò dɔ mí ni nɔ gbeje míde pɔn whɛ-whɛ, podɔ mɔwiwà nɔ goalɔna mí to whedelɛnu nado mɔdɔ mí dona basi diòdo nujɔnu tɔn lɛ nado yin wiwe. (2 Kɔl. 13:5) Di apajlɛ, eyin mɛhe ko yí baptɛm de nɔ desɔn ojlo mɛ nado pɔn yɛ-dide fɛnnuwiwa tɔn lɛ, e dona kanse ede dɔ, ‘Be n’to dee dohia taidi omɛ wiwe ya?’ Enɛgodɔ, e dona dín alɔgɔ nado doalɔtena aşıa gblezɔn enɛ.—Jak. 5:14.

it-2-F 310 huk. 5

Mose

Jiwheyewhe de Mose taidi whɛgbɔtɔ na alɛnu Osɛn tɔn lɛ he yin bibasi hɛ Israelivi lɛ, yèdɔ lɛ-blantulɔkɛyi vonɔtaun de he Jiwheyewhe ma ko na gbɛtɔvi de, adavo Jesu Klisti, he yin Whɛgbɔtɔ alɛnu yoyò lɛ tɔn. Mose húnhún ohùn kanlin he yin yíyí do sanvò lɛ tɔn do owe alɛnu tɔn lɛ go bo do Jehovah hia taidi adà alɛnu lɛ tɔn dopo podɔ akɔta lɛ (matin ayihaawe sunnu mɛho akɔta lɛ tɔn lɛ he ze afò yetɔn dai) taidi adà awetɔ alɛnu lɛ tɔn. Mose hia owe alɛnu tɔn lɛ na akɔta lɛ bɔ yé gblɔn dɔ, “Nuhe Jehovah ko dɔ lɛpo wɛ míwlɛ wleawufo nado wà bo nasò nɔ setonuna.” (Eks 24:3-8; Heb 9:19) Taidi whɛgbɔtɔ akɔta lɛ tɔn, Mose deanana gòhòtúntún lɛ gbigbá po awuwiwlɛna nuyizan etɔn lɛ po sɔgbe hɛ anademɛ he Jiwheyewhe na ɛn lɛ. Ewɔ na aşẹ yewhenɔ lɛ lɛ bo ze yé do otɛn azɔngban tɔn mɛ. Gbɔnvona enɛ, e yí amì he yin awuwlɛna po onú vonɔtaun lɛ po do hɛn gòhòtúntún lɛ zun wiwe, bosò klan Aalɔn yewhenɔ daho lɛ do wiwe. Enɛgodɔ, Mose penukundo avòsinsan tintan yewhenɔduta he şeşẹ yin di-doi lɛ tɔn go.—Eks weta 25-29; Le weta 8, 9.

